

四庫全書

史部

欽定四庫全書

史部

明宮史卷

三至五

詳校官監察御史臣劉芬

編修臣程嘉謨覆勘

總校官中允銜臣王燕緒

校對官編修臣邱庭滢

謄錄監生臣陳煜

欽定四庫全書

明宮史卷三

明 呂毖 撰

內臣服佩

貼裏

其制衣如外廷之披褶司禮監掌印秉筆隨堂乾清宮管事牌子各執事近侍都許穿紅貼裏綴本等補以便侍從御前凡二十四衙門山陵等處官長隨內使小火者

俱得穿青貼裏又有雙袖襴蟒衣凡左右袖上裏外有蟒二條自正旦燈景以至冬至陽生萬壽聖節各有應景蟒紵自清明鞦韆與九月重陽菊花俱有應景蟒羅自端陽五毒至八月月仙玉兔俱有蟒紗又舊制自十月初四日至次年三月初三日穿紵紗自三月初四日至四月初三日穿羅自四月初四日至九月初三日穿紗自九月初四日至十月初三日穿羅該司禮監預先題奏傳行凡婚慶吉典則雖遇夏秋亦必穿紵紗供事

若羊羖衣服則每歲小雪之後立春之前廣紵絲穿之
凡大忌辰穿青素值廟者穿青綠花樣遇修省亦穿青
素

襖襪

其製後襟不斷而兩傍有襖前襟兩截而下有馬面褶
兩傍有耳自司禮監寫字以至提督正并各衙門總理
營事方敢服之紅者綴本等補青者否

圓領襖襪

與外廷同各按品級凡司禮監掌印秉筆及乾清宮管事與有勞者其補皆得坐蟒次則斗牛及都知監有牙牌者鸚哥雜禽補

官帽

以竹絲作胎真青縐紗蒙之自奉御至太監皆戴之俗所謂剛叉帽也

平巾

以竹絲作胎真青羅蒙之長隨內使小火者戴之制如

官帽而無後山然有羅一幅垂于後長尺餘俗所謂砂鍋片是也

牙牌

內官監題本于內承運庫領討象牙製造每陞奉御或長隨即給與一面將原帶烏木牌換收按御用監等衙門各有號數一邊刻忠字若干號一邊刻某監某銜亦間有私買者私造者從來不禁其製有雲尖下方微闊而上圓可重六七兩不等

烏木牌

其製荷葉頭圓徑二寸許一面刻內使或小火者字樣
一面用長方火印于中其篆文四字曰關防出入而火
印兩傍分刻小字或內字若干號此係官物無敢私造
者凡遇失落必題知懲處另給

牌總

其製用象牙或牛骨作管青綠綿結寶蓋三層圓可徑
二寸下垂紅線長八寸許內懸牙牌或烏木牌上有牌

繫青絲凡穿圓領隨侍及有公差私假出外本等帶之
左即懸此牌總如平居在宮穿襖襖者貼裏者俱不帶牌
總有絲

帶

凡內使小火者烏木牌平巾者無穿圓領束帶之理惟
請轎長隨并都知監長隨各獅子等補束角帶其陞有
牙牌官帽便謂之奉御正六品得服麟補束金廂玳瑁
或犀帶自奉御而上左右監丞五品左右少監從四品

太監正四品自太監而上方敢穿斗牛補如再陞則膝襪之飛魚也斗牛也蟒衣也再陞則受賞也特陞方賜玉帶冬則光素夏則玲瓏三月九月則頂粧玉帶也再陞內府騎馬再陞每歲祿米十二石如再陞但凡一級止歲加祿米十二石耳

騎馬

凡內府有名騎馬者自東西下馬門起至北安西安門柵欄東上北門止又東上南門起至南內西上南門止

至寶鈔司凡遇萬壽聖節正旦節凡內府騎馬者各進馬一匹若遇大婚禮誕生慶典亦然凡進馬有例司禮監管賞寫字預先于思善等門曉示一帖曰某日進馬各家將馬之毛色并已之官銜姓名開送司禮監總辦黃本處各酬銀二錢或錢不等以為買筆墨之用此舊規也臨期請旨如聖駕親覽所進之馬便都于乾清宮門外伺候覽過交御馬監不堪者不收換補之凡賞過祿米者遇萬壽聖節隨進馬之外仍各進鹿一隻交南

海子未賞祿米者則免之又冬至之前掌印秉筆隨堂管事牌子各進子母羊四角六角羊交牲口房凡藩府所進之羊亦交牲口房所進之馬亦交御馬監也

橈杙

凡司禮監掌印秉筆之年高最有寵眷者方能得此其製如靠背椅而加兩桿子傍用皮繮如轎前後各用一橫槓然擡者不在轅內只在桿外斜插擡而正行之所以曰杙者禁地不敢乘轎之義也

板

其製如牀面高五寸許于偏後北安一椅圍前後以簾
鞞繩拴用損二條斜插擡走離地尺餘凡司禮監掌印
秉筆年老者方私置坐之不係欽賞亦不係正經品級
自乾清門外至西華門東華門裏止

朝服朝冠帶履

與外廷同冠七梁或五梁只許司禮監掌印于祭中霤
之神之夜服此祭之

笏

以象牙為之與外廷同

抹布

非布也是素紵絲或綾染柘黃長五尺闊三寸雙層方
角如大帶子之式而無總凡乾清宮管事牌子暖殿御
藥房管櫃子御司房管庫管弓箭請小轎四執事牌子
欽安隆德英華三殿陳設近侍須蒙賜過者方敢佩于
貼裏之右而蟠結絛上雙垂之露半條于外垂與衣齊

刀兒

小牙筋一雙小尖刀一把長六七寸不等銀鑲鯊魚皮等鞘以紅絨緝繫表于衣左脾總之上以昭近臣殊寵非外衙門之所敢望也惟司禮監是禮儀衙門斯不屑抹布刀兒矣

鐸針

金銀珠翠珊瑚皆可製年節則大吉葫蘆萬年吉慶元宵則燈籠端午則天師中秋則月兔頌歷則寶歷萬年

其製則八寶荔枝四字鮎魚也冬至則陽生綿羊太子
梅花重陽則菊花萬壽聖節則萬萬壽洪福齊天之類
洪福者于齊天宇之兩傍各有紅色蝙蝠一枚以取意
耳凡遇誕生婚禮及尊上徽號冊封大典皆萬萬喜所
謂鐸針者單一枝有鐸居官帽中央者是也

枝筒

其製不隨景如鐸針但咸小偏向成對耳

挑板

亦隨景如前而珍珠珊瑚自鐫端下垂或間以寶石金

方勝字耳下垂脚

世廟時亦間將三種賜輔臣大臣神廟初年亦間賜宰相張居正云

披肩

貂鼠製一圓圈高六七寸不等大如帽兩傍各製貂皮二長方毛向裏至耳即用鈎帶斜掛于官帽之後山子

上

直身

製與道袍相同惟有襪在外綴本等補聖上有大紅直

身袍凡遇大事若過司房或秉筆私自下直房始穿此
凡見尊長則不穿其色止有天青黑綠玄青不敢做大
紅者或亦開襖加襯衣而束本等帶者

道袍

如外廷道袍之製惟加子領耳間有綴補

氅衣

有如道袍袖者舊製本不縫袖故名曰氅綵素不拘

大褶

前後或三十六或三十八褶不等間亦綴本等補

順褶

如貼裏之製向褶之上不穿細紋俗為馬牙褶即外廷之襖褶也間亦綴本等補

束髮冠

其製如戲子所戴者用金累絲造上嵌晴碌珠石每一座有直數百金或千餘金二千金者四爪蟒龍在上蟠繞下加額子一件亦如戲子所戴左右插長雉羽焉

唐朝帽

此古製如畫上綿羊太子所戴者也以貂鼠銀鼠皮制衣之凡冬月隨駕出獵戴之而不寒

煙墩帽

亦古製也冬則天鵝絨或紵縐紗夏則馬尾所結成者上綴金蟒珠石其式如大帽直簷而頂稍細

二色衣

近御之人所穿之衣自外第一層謂之蓋面如襖襖貼

裏圓領之類第二層謂之襯道袍第三層謂之綴領道袍其白領以漿布為之如玉環在頂而缺其前稍油垢即換之非入過皇城者不敢綴也自此三層之內或褂或襖俱不許露白色袖口凡脖領亦不許外露亦不得綴鈕口只宮人脖領則綴鈕扣是以切避忌之凡外廷講幄召對之臣不可不曉二色衣之妙處者如夏則以葛布為上身以深藍或玉色紗作下褶并按兩袖各數寸又緣子領寸許一則恐于君前露白色一則省費省

福以便拆澣

一把蓮

宮壺中凡掌印秉筆管事牌子俱在乾清宮內各直房
居住每夜除名該正管事牌子在殿內直宿其餘者候
聖駕已安寢磕過安置頭寢殿門已闔則始散歸各直
房或酒或茶自己用過便各安歇絕無敢私相會飲者
以杜朋比欺蒙之弊其各家經管衣帽宮人即將宮帽
一頂貼裏道袍大襖或褂共上一條領者一副總綴兩

道冠之將褫繫絲牌總亦掛得停當名曰一把蓮并硬抹口絨襪靴護膝一雙俱繫安于所歇床傍伺候暗燈及燭于卓上立銅籬頭攢竹五尺一根于卓司房宮人伺候筆袋一件空紙數幅本色紙花一袋紙花者即白紙裁成方葉如碗口大以備寫字唾痰擦手之用凡猝然夜間御前有事忽有傳召或值火災意外之警便立可衣冠手持五尺速赴聖駕之前以防衛之

長者巾

製如東坡巾而後垂兩方帶如程子巾式

神廟恒尚長者巾冠前縫

綴一大西洋珠兩傍金五爪龍戲之而後垂兩葉之中亦各蟠蒼龍凡內臣高年之人亦有戴者或金線黑線綠廂然只不敢綴雲龍也忠靖巾六合巾方巾九華巾晉唐等製皆如外廷熹廟恒尚九華巾

圓帽

凡內臣皇城之內除宮帽平巾之外即帶圓帽冬則以羅或紵為之夏則馬尾牛尾人髮為之有極細者一頂可值五六兩或七八兩十餘兩者名曰瓜拉或瓜懶絕不稱帽子想有所避忌也

梭報

巾帽局製造每年冬雪第一次即送司禮監掌印掌東
廠秉筆每二雙管事牌子每一雙冰雪穿之以便趨走
不滑跌也

撒扇

其製用木柄長尺餘合竹作小骨二十餘根用藍絹糊
表兩面皆撒大塊金箔放則遮日收則入囊自司禮監
掌印至管事牌子皆于宮中夏間用之只可取陰不可

取風其式如外之竹涼扇而不曲長可二三尺上闊下

窄

宣廟有詠撒扇六言詩一首湘浦煙霞交翠刻
溪花雨生香掃却人間炎暑招回天上清涼

靴

皐皮為之似外廷之製而底軟襯薄其裏則布也與聖
上履式同而前縫少菱角各縫少金線耳頰加粉飾敝則
易之凡當差內使小火者不敢槩穿但單臉青布鞋青
布襪而已或雨雪之日油靴則不禁也

扁辮

用不堪之絨紫色青綠色織如大帶子微鬆軟耳長可丈餘不等闊可三四寸凡遇雨雪將衣摺束離地八九寸以防泥污晴天不用如冬雪之月亦得穿皮氈衣夏暑之夜亦得用摺疊竹架各支紗絹帳以禦蚊蚋也

雨衣雨帽

玉色深藍官綠抗紬或好油絹為之亦有蠶繭紙為者有斗體式有道袍式加掛者御前大內臣值穿紅之日有紅雨衣彩畫蟒衣方補為貼裏式者雨帽則如方巾

周圍加簷三寸許耳亦有竹胎絹糊黑油漆如高麗帽
式者惟御前大內臣戴之

明宮史卷三

欽定四庫全書

明宮史卷四

明 呂毳 撰

飲食好尚

正月

初一日正旦節自年前臘月二十四日祭竈之後宮眷
內臣即穿葫蘆景補子及蟒衣各家皆蒸點心儲肉將
為一二十日之費三十日歲暮即互相拜祝名曰辭舊

歲大飲大嚼鼓樂喧闐為慶賀焉傍植桃符板將軍炭貼門神室內懸掛福神鬼判鍾馗等畫床上懸掛金銀八寶西番經輪或編結黃錢如龍簷楹插芝蔴猗院中焚柏枝柴名曰燭歲正月初一日五更起焚香放紙炮將門藥或木楨于院地上拋擲三度名曰跌千金飲椒柏酒喫水點心即扁食也或暗包銀錢一二于內得之者以卜一歲之吉是日亦互相拜祝名曰賀新年所食之物如曰百事大吉盒兒者柿餅荔枝圓眼栗子熟棗

共裝盛之又驢頭肉亦以小盒盛之名曰嚼鬼以俗稱驢為鬼也立春之前一日順天府于東直門外迎春凡勲戚內臣達官武士赴春場跑馬以較優劣至次日立春之時無貴賤皆嚼蘿蔔名曰咬春互相請讌喫春餅和菜以綿塞耳取其聰也自歲暮正旦咸頭戴鬧蛾乃烏金紙裁成畫顏色裝成者亦有用真草蟲蝴蝶者咸簪于首以應節景仍有真正小葫蘆如豌豆大者名曰草裏金二枚可值二三十兩不等皆貴尚焉初七日

喫春餅和菜自初九日後即有耍燈市買燈喫元宵其製法用糯米細麵內用核桃仁白糖為果餚灑水滾成如核桃大即江南所稱湯圓者十五日曰上元亦曰元宵內臣宮眷皆穿燈景補子蟒衣燈市至十六日更盛天下繁華咸萃于此勲戚內眷登樓玩看了不畏人斯時所尚珍味則冬筍銀魚鵲蛋麻辣活鬼塞外之黃鼠半翅鷓鴣江南之蛋柑鳳尾橘漳州橘橄欖小金橘風菱脆藕西山之蘋果軟子石榴之屬冰下活蝦之類不

可勝計本地則燒鷺鷥鴨燒豬肉冷片羊尾爆炒羊肚
子灌腸大小套腸帶油腰子羊雙腸猪腎肉黃額官耳
脆圓子燒笋鷄醪醃鷺鷥魚柳蒸煎鱖魚酒煮鷓鴣
鷄醢湯米爛湯八寶攪湯羊肉猪肉包棗泥餛飩油蒸
餅乳餅奶皮素蔬則滇南之鷓鴣五臺之天花羊脂菜
鷄腿銀盤等麻姑東海之石花海白菜龍鬚海帶鹿角
紫菜江南之烏笋糟笋香蕈遼東之松子薊北之黃花
金針都中之山藥土豆南都之薑菜糟笋武當之鷹嘴

笋黃精黑精北山之榛栗梨棗核桃黃連茶木蘭芽蕨
菜蔓菁不可勝數茶則六安松蘿天池紹興芥茶徑山
茶虎邱茶也凡遇雪則煖室賞梅喫炙羊肉包渾酒牛
乳十九日名燕九是日也都城之西南有白雲觀者云
是勝國時邱真人成道處此日僧道輻輳凡聖溷雜勲
戚內臣凡好黃白之術者咸游此訪丹訣焉自十七日
或至十九日御前安設各樣燈盞撤之也二十五日曰
填倉亦醉酒飽肉之期

二月

初二日各宮門撤出所安彩粧各家用黍麵棗糕以油煎之或以麵和稀攤為餅名曰薰虫是月也分菊花牡丹凡花木之窖藏者開隙放風清明之前收藏貂鼠帽套領狐狸等皮衣食河豚飲蘆芽湯以解熱各家煮過夏之酒此時喫鮓名曰桃花鮓

三月

初四日宮眷內臣換穿羅衣清明則鞦韆節也戴柳枝

于鬢坤寧宮後及各宮皆安鞦韆一架凡各宮之溝渠俱于此時疏濬之竹篾排棚大木補天溝水管俱于此時油捻之并銅缸俱刷換以新汲水也凡內臣院宇大者即製蓆箔為涼棚以繩收放取陰也聖駕幸回龍觀等處賞海棠窖中花樹盡出園圃亭榭棚欄等項咸此月修飾富貴人家咸賞牡丹花修涼棚二十八日東嶽廟進香喫燒笋鷺喫涼糕糯米麵蒸熟加糖碎芝蔴即糍巴也喫雄鴨腰子大者一對可值五六分傳云食之

補虛損也

四月

初四日宮眷內臣換穿紗衣飲賜京官扇柄牡丹盛後
即設席賞芍藥花也初八日進不落夾用葦葉方包糯米
長可三四寸闊一寸味與粽同也是月也嘗櫻桃以
為此歲諸果新味之始喫笋鷄喫白煮猪肉以為冬不
白煮夏不燒也又以各樣諸肥肉薑蔥蒜剉如豆大拌
飯以蒿苳大葉裹食之名曰包兒飯造甜醬豆豉初旬

以至下旬要西山香山碧雲等寺要西直門外之高梁橋涿州娘娘馬駒橋西頂娘娘進香二十八藥王廟進香喫白酒冰水酪取新麥穗煮熟剥去芒殼磨成新條食之名曰捻轉去聲呼之以嘗此歲五穀新味之始也司禮監有一種扇以墨竹為骨色箋紙而兩面楷寫論語六字一句成語極多脆裂做此甚費工價也

五月

初一起至三十日宮眷內臣穿五毒艾虎補子蟒衣

門兩傍安菖蒲艾盆門上懸掛弔屏上畫天師或仙子
仙女執劍降五毒故事如年節之門神焉初五日午時
飲硃砂雄黃菖蒲酒喫粽子喫加蒜過水麵賞榴花佩
帶艾葉合諸樂畫治病符聖駕幸西苑看龍舟划船或
幸萬歲山前插柳看御馬監勇士跑馬走解夏至伏日
戴草麻子葉長命菜即馬齒莧也

六月

初六日皇史宬古今通集庫晒晾喫過水麵外象赴宣

武門外洗初伏中伏末伏日亦喫過水麵喫銀苗菜即
藕之新嫩秧也初伏日造麵惟以白麵用菜豆黃加料
和成躡之立秋之日戴楸葉喫蓮蓬藕曬伏薑賞茉莉
梔子蘭芙蓉等花

七月

初七日宮眷穿鵲橋補子宮中設七巧子兵仗局伺候
乞巧針十五日中元甜食房進供佛波羅蜜西苑做法
事放河燈京都寺院咸做盂蘭盆追薦道場亦放河燈

于臨河去處也是月也喫鮓魚為盛會賞荷花鬪促織而促織之善鬪者一枚可值十餘兩不等各有名色以賭博求勝也

八月

宮中賞秋海棠玉簪花自初一起即有賣月餅者加以西瓜藕互相餽送西苑躡藕至十五日家家供月餅瓜果候月上焚香後即大肆飲啗多竟夜始散席者如有剩月餅仍整收于乾燥風涼之處至歲暮合家分用

之曰團圓餅也始造新酒蟹始肥凡宮眷內臣喫蟹活
洗淨蒸熟五六成羣攢坐共食嬉嬉笑笑自揭臍蓋細
細用指甲挑剔蘸醋蒜以佐酒或剔蟹胗骨八路完整
如蝴蝶式者以示巧焉食畢飲蘇葉湯用蘇葉等件洗
手為盛會也凡內臣多好花木于院宇之中擺設多般
並養金魚于缸羅列小盆細草以示侈富有紅白軟子
大石榴是時各剪離枝甘甜大瑪瑙葡萄亦于此月前
下缸內著少許水將葡萄枝懸封之可留至正月色尚

鮮

九月

御前進安菊花自初一起喫花糕宮眷內臣自初四
日換穿羅重陽景菊花補子蟒衣初九日重陽節駕幸
萬歲山登高或兔兒山旋磨臺登高喫迎霜麻辣兔菊
花酒是也糟瓜茄糊房窻製諸菜蔬抖晒皮衣製衣禦
寒

十月

初一日頒歷初四日宮眷內臣換穿紵絲喫羊肉爆炒
羊肚麻辣兔虎眼等各樣細糖凡平時所擺玩石榴等
花樹俱連盆入窖喫牛乳乳餅奶皮蒸窩酥糕蛸螺直
至春二月方止也是月也始調鷹畋獵鬪雞內臣貪婪
成俗是以性好賭博既賴雞求勝則必費重價購好健
鬪之雞僱善養雞者晝則調馴夜則加食名曰貼雞須
燃燈親看以計所啄之數有三四百口者更妙也是時
夜已漸長內臣始燒地炕飽食逸居無所事事多寢寐

不甘又須三五成羣飲酒擲骰看紙牌耍骨牌下碁打
雙陸至二三更始散方睡得著又有獨自喫酒肉不下
者亦如前約聚輪流辦東幫湊飲啖所談笑者聚鄙俚
不堪之事多有醉後爭忿小則罵打童奴以遷怒大則
變臉揮拳將祖宗父母互相換罵為求勝之資然易得
和解磕過幾個頭流上幾眼淚即照舊歡暢如初也凡
攢聚飲食之際其固獲揚飯放飯流齏共食求飽咤食
噬骨或膝上以哺弄兒或棄肉與猫犬真可笑也如有

喫素之人修善念佛亦必羅列果品飲茶久坐或至求精爭勝多不以簞食瓢飲為美亦可笑也間亦有一二好看書習字者樂聖賢之道或杜門篝燈草衣糲食不苟取不濫予差足愉快奈寥寥不多見耳內臣又最好喫牛驢不典之物曰挽口者則牝具也曰挽手者則牡具也又羊白腰者則外腎卵也至于白牡馬之卵尤為珍奇貴重不易得之味曰龍卵焉

十一月

是月也百官傳戴煖耳冬至節宮眷內臣皆穿陽生補
子蟒衣室中多掛綿羊太子畫貼司馬監刷印九九消
寒詩圖每九詩四句自一九初寒纔是冬起至日月星
辰不住忙止皆鼓詞俚語之類非詞臣應制所作又非
御製不知如何相傳年久遵而不敢改此月糟醢猪蹄
尾鷺肫掌喫炙羊肉羊肉包匾食餽飪以為陽生之義
冬笋到即不惜重價買之每日清晨喫燂湯喫生炒肉
渾以禦寒

十二月

初一日起便家家買猪醃肉喫灌腸喫油渣涵煮猪頭
燴羊頭瀑炒羊肚煤鐵脚小雀加鷄子清蒸牛乳白酒
糟粗糟蟹煤銀魚等醋溜鮮鯽魚鯉魚欽賞臘八雜果
粥米是月也進煖洞薰開牡丹等花初八日喫臘八粥
先期數日將紅棗槌破泡湯至初八早加粳米白米核
桃仁菱米炙粥供佛聖前戶牖園樹井竈之上各分布
之本家皆喫或亦互相饋送誇精美也二十四日祭竈

蒸點心辦年競買時興錦段製新衣以示奢美富豪三十日歲暮守歲乾清宮丹墀內自二十四日起次年正月十七日止每旦晝間放炮遇風大暫止半日一日安鼇山燈紮煙火凡聖駕陞座伺候花炮聖駕回宮亦放大花前導皆內宮監職掌其前導擺對之滾燈則御用監燈作所備者也凡宮眷所用飲食皆本人所關賞賜置買催倩貧窮宮人在內炊爨烹飪其手段高者每月工食可得數兩而零星賞賜不與焉凡煮飯之米必揀

簸整潔而香油甜醬豆豉醬油醋一應雜料俱不惜重價自外置辦入也凡宮眷內臣所用皆炙煨煎炒厚味遇有疾服藥多自己任意糊塗調治不肯忌口總之宮眷所重者善烹調之內官而各衙門內官所最喜者又手段高之廚役也

明宮史卷四

欽定四庫全書

明宮史卷五

明 呂毖 撰

內板書數

五倫書

計六十二本一千七百一頁

周易大全

計十二本一千一百十八頁

書傳大全

計十本七百六十一頁

詩傳大全

計十二本九百九頁

春秋大全

計十八本一千四百五十九頁

禮記大全

計十八本一千二百五十九頁

書傳

計六本五百八十三頁

易傳

計六本五百八十二頁

詩傳

計六本六百三十五頁

春秋傳

計四本四百四十頁

禮記

計八本一千六十二頁

四書大全

計二十本一千五百九十九頁

四書集註

計十本八百二十頁

性理大全

計三十本二千二百六十九頁

資治通鑑綱目

計四十本四千一百頁

續資治通鑑綱目

計十四本一千一百二十二頁

少微通鑑節要

計二十本一千四百三十八頁

資治通鑑節要續編

計二十本一千六百八十三頁

晏宏資治通鑑綱目

計三十本四千零二十頁

文獻通考

計一百本一萬八百三十六頁

歷代名臣奏議

計一百五十本九千九百二十頁

歷代通鑑纂要

計六十本三千六百三十二頁

大明會典

計一百四十本六千五百九十頁

事文類聚

計一百三十本八千三百六十頁

大明一統志

計四十本三千四百五十頁

明倫大典

計二十四本七百二十頁

大明集禮

計三十六本二千四百七十六頁

大學衍義

計二十本一千三百八十八頁

大學衍義補

計四十本三千六百頁

對類

計十二本八百七十三頁

諸司職掌

計三本四百二十八頁

大明官制

計三本三百十頁

御製大誥

計四本二百五十三頁

大明律

計二本二百七頁

御製文集

計八本七百十三頁

洪武正韻

計五本五百頁

御製詩集

計一本八十四頁

韻府羣玉

計十本一千四百頁

經史海篇直音

計五本五百十二頁

廣韻

計二本二百五十五頁

玉篇

計二本三百十五頁

經書音釋

計二本一百七頁

詩韻釋義

計二本一百五十八頁

四書白文

計六本三百十二頁

詩學大成

計十四本一千頁

爾雅埤雅

計四本三百九十七頁

許氏說文

計八本六百五十頁

孔子家語

計三本一百四十四頁

通書大全

計八本九百九十頁

列女傳

計三本一百二十五頁

神課金口訣

計二本二百四十頁

仁孝皇后勸善書

計十本八百七十六頁

臞仙肘後神樞

計二本一百六十八頁

雍熙樂府

計二十本一千七百五十三頁

選擇歷書

計二本二百五十六頁

三國志通俗演義

計二十四本二千一百五十頁

歷代臣鑒

計十本五百六十頁

貞觀政要

計六本三百七十頁

居家必用

計十本八百八十頁

聖學心法

計十本三百十五頁

釋文三注

計千字文七十一頁胡曾詩九十九頁蒙求一百

四十五頁

飲膳正要

計三本一百七十五頁

唐賢三體詩

計二本一百七十二頁

古文精粹

計二本二百五十六頁

李白詩

計四本三百六頁

呂真人文集

計二本一百四十頁

高皇后傳

計一本四十七頁

女訓

計一本四十九頁

內訓

計一本五十一頁

尚書孝經大學中庸

計五本三百三十六頁

選詩補注

計三本三百十二頁

唐詩鼓吹

計五本二百六十六頁

周易占法

計二本二百四十頁

草堂詩餘

計二本一百九十頁

恩紀含春堂詩

計二本二百四十頁

小四書

計三本二百四十頁

明心寶鑑

計二本二百十五頁

擊壤集

計四本三百五十頁

勸忍百箴

計四本三百頁

古文真寶

計四本三百九十一頁

醫要集覽

計六本二百八十頁

草韻辨體

計六本二百七十頁

增定華裔譯語

計十一本一千七百八頁

評史心見

計六本三百五十頁

通鑑博論

計三本二百九十頁

重刻證類本草

計十本一千二百四十五頁

皇明祖訓

計一本五十頁

養生類纂

計五本一百九十七頁

祖訓條章

計一本十二頁

釋氏源流應化事蹟

計四本四百四十頁

皇明典禮

計一本九十五頁

洪武禮制

計一本八十二頁

御製洪範篇序

計一本三十頁

稽古定制

計一本八十一頁

慈聖宣文皇太后女璽

計一本六十九頁

鄭氏女孝經

計一本四十二頁

曹大家女訓

計一本十六頁

女誠直解

計一本四十八頁

劉向說苑

計五本三百二十五頁

內則詩

計一本六十二頁

勤政要典

計一本七十三頁

昭鑑錄

計一本一百五十三頁

內令

計一本十二頁

外戚事鑒

計一本六十八頁

山居四要

計一本八十三頁

臞仙肘後經

計一本一百十二頁

玉匣記

計一本八十二頁

省躬錄

計一本七十二頁

祥異賦

計一本四十九頁

步天歌

計一本八頁

傳心妙誤

計一本四十五頁

詳明算法

計一本一百十頁

草字碎金

計一本九十二頁

真字碎金

計一本九十二頁

千家姓

計一本二百九十二頁

為善陰騭

計四本三百七十二頁

小學書解

計一本一百六頁

忠經

計一本四十二頁

孝經大義

計一本四十三頁

歷代紀年

計一本三十六頁

四時歌曲

計一本十一頁

隨機應化錄

計一本六十頁

高皇道德經注解

計一本六十九頁

達觀字孝經

計一本四十二頁

醫按書

計一本三十二頁

蒙求白文

計一本三十九頁

山歌

計一本四頁

華裔譯語

計一本八十八頁

古字便覽

計一本五十二頁

八行遺字集

計一本二十八頁

警世篇

計一本三十一頁

忠經直解

計一本十六頁

太上感應靈篇

計一本九十二頁

憲綱

計一本五十頁

百家姓

計一本十頁

大學

計一本三十六頁

千字文

計一本十七頁

孝經

計一本十六頁

中庸

計一本五十六頁

千家詩

計一本四十四頁

四言雜字

計一本十二頁

神童詩

計一本二十頁

七言雜字

計一本十三頁

三字經

計一本二十六頁

啟蒙集

計一本四十頁

啟蒙書法

即永字八法

計一本二十一頁

草訣百韻

計一本十四頁

草訣百韻歌

計一本四十頁

八行圖說

計一本四十一頁

孝經直解

計一本三十六頁

周公解夢書大全

計二本七十頁

四書直解

計二十六本一千八百四十頁

書經直解

計十三本八百五十六頁

通鑑直解

計二十五本一千四十二頁

帝鑑圖說

計六本三百五十六頁

劉向新序

計三本一百四十二頁

洪武正韻玉鍵

計二本一百三十頁

佛經一藏

計六百七十八函十八萬八十二頁共用白連四
紙四萬五千二十三張藍絹五十三疋七尺四寸
黃絹二十六疋二丈四尺一寸已上每疋長三丈
二尺黃毛邊紙五百七十張黃連四紙三百四十
七張藍毛邊紙四千九百十二張白戶縣紙一萬
八百九十五張黑墨二百八十六斤八兩白麪一
千一百二十五斤明礬四十五斤

道經一藏

計五百十二函十二萬一千五百八十九頁共用
白連四紙三萬八百九十七張藍絹一百八十二
疋一丈八尺六寸藍毛邊紙三千十八張黃絹二
十疋一丈六尺黃連四紙一百七十六張黃毛邊
紙五百二張白戶絲紙八千一百七張黑墨一百
六十斤八兩白麪七百五十斤明礬二十五斤

審經一藏

計一百四十七函十五萬七十四頁共用腰子白

鹿紙一萬三千六百四十三張

大五大部經

華嚴經八十一本

大涅槃經四十二本

報恩經七本

金光明經十本

心地觀經八本

小五大部經

法華經七本

楞嚴經十本

佛母大孔雀經三本

地藏經三本

梁皇懺十本

圓覺經

彌陀經


諸品經咒

金剛經註解一本一百四十七頁

華嚴小鈔一百十七本三千二百十八頁

諸真實懺十二本

小道經一部



明宮史卷五